



INFORMACIJA O STANJU SIGURNOSTI

**na području Federacije BiH
za period JANUAR – JUNI 2016. godine**

Sarajevo, JULI / SRPANJ 2016.god

I – UVOD

U skladu sa članom 65. i 66.tačke 2 i 3. Zakona o unutrašnjim poslovima Federacije Bosne i Hercegovine ("Sl.Novine F BiH", broj, 81/14) i članka 9. Instrukcije o međusobnom izvješćivanju o pojavama u oblasti javne sigurnosti između FMUP-a Bosne i Hercegovine i kantonalnih ministarstava unutrašnjih poslova u Federaciji o pitanjima koja su od interesa za sigurnost Federacije Bosne i Hercegovine broj: 09-1608 od 26.07.2007.godine i Upustva o popunjavanju statističkih obrazaca broj: 09-1609 od 26.07.2007.godine, s a č i n j e n a j e:

Informaciju o stanju sigurnosti na području Federacije Bosne i Hercegovine za period januar-juni 2016. Godine i ista je urađena po standardiziranoj metodologiji na temelju statističkih podataka dobivenih od strane kantonalnih ministarstava unutrašnjih poslova – uprava policije.

Ustavne i zakonske nadležnosti Federalnog ministarstva unutrašnjih/unutarnjih poslova – Federalne uprave policije, su propisane članom 31. Zakonom o unutrašnjim poslovima Federacije Bosne i Hercegovine („Službene novine F BiH“, br. 81/14), i odnose se sljedeće:

- 1) neposredno poduzima mjere na sprečavanju i otkrivanju krivičnih djela terorizma, međukantonalnog kriminala, stavljanja u promet opojnih droga, organiziranog kriminala i drugih krivičnih djela iz nadležnosti Federacije, kao i na pronalaženju njihovih učinilaca;
- 2) obavlja kriminalističko-tehnička vještačenja za svoje potrebe, kao i na traženje drugih nadležnih organa;
- 3) organizira i neposredno osigurava određene osobe i zgrade Federacije u skladu sa propisom iz člana 5 ovog zakona i, u vezi sa tim, izrađuje odgovarajuće operativne planove;
- 4) priprema prijedlog ukupnog broja policijskih službenika za potrebe Uprave policije i kriterije za njeno popunjavanje;
- 5) raspisuje i objavljuje Interpolove, međunarodne, federalne i međukantonalne potrage, izdaje o tome odgovarajuća glasila i vodi registre;
- 6) saraduje sa nadležnim tužilaštvima u vezi sa obradom krivičnih predmeta;
- 7) obavlja i druge poslove i zadatke policije koje joj, u skladu sa zakonom, povjere sudovi i tužilaštva u Bosni i Hercegovini;
- 8) predlaže programe stručnog osposobljavanja i usavršavanja državnih službenika i namještenika u Upravi policije;
- 9) nabavlja naoružanje i opremu u skladu sa propisom iz člana 17. ovog zakona i materijalno-tehnička sredstva za potrebe Uprave policije;
- 10) vodi statističke i operativne evidencije potrebne za obavljanje poslova iz svoje nadležnosti;
- 11) predlaže i prati provedbu planova o izgradnji i korištenju informacionog sistema;
- 12) osigurava jedinstvenu obradu podataka iz nadležnosti Uprave policije;
- 13) predlaže organiziranje, razvoj, modernizaciju i održavanje funkcionalnog sistema veza i obavlja poslove prijenosa zaštićenih informacija u vezi sa radom policije;

- 14) organizira jedinstveni sistem obavještanja potrebnog za obavljanje poslova iz nadležnosti Uprave policije;
- 15) izrađuje i predlaže programe obrazovanja, profesionalnih obuka i naprednih kurseva za policijske službenike Uprave policije;
- 16) osigurava primjenu profesionalnih i naučnih metoda u radu Uprave policije;
- 17) odgovorna je za korištenje budžetskih sredstava odobrenih za rad Upravi policije u skladu sa Zakonom o budžetima u Federaciji i drugim propisima kojima se uređuje korištenje odobrenih budžetskih sredstava;
- 18) organizira saradnju s odgovarajućim organima policije drugih država o pitanjima iz nadležnosti Uprave policije posredstvom Federalnog ministarstva.

Nadležnost kantonalnih ministarstava unutrašnjih/unutarnjih poslova – uprava policije u Federacije Bosne i Hercegovine, propisane su kantonalnim Zakonom o unutrašnjim poslovima, a odnose se na sljedeće:

Unutrašnji poslovi iz nadležnosti Kantona su:

- a) zaštita života i imovine, kao i drugih prava i sloboda utvrđenih ustavima u BiH;
- b) sprečavanje, otkrivanje i istraga krivičnih djela i prekršaja na području Kantona u skladu sa zakonom;
- c) poslovi i zadaci koji se odnose na održavanje javnog reda i mira;
- d) poslovi i zadaci koji se odnose na održavanje javnih okupljanja;
- e) osiguranje posebno određenih ličnosti i objekata Kantona;
- f) kriminalističko tehnička vještačenja;
- g) poslovi sigurnosti, kontrole i regulisanja saobraćaja na putevima Kantona, te druge poslove sigurnosti u oblasti saobraćaja, utvrđeni posebnim zakonom i podzakonskim aktima;
- h) saradnja sa drugim ministarstvima unutrašnjih poslova i drugim organima u BiH u okviru nadležnosti Ministarstva;
- i) poslove izdavanja odobrenja za nabavljanje, držanje i nošenje oružja i municije, vođenje propisanih evidencija i vršenje i drugih poslova i zadataka propisanih Zakonom o nabavljanju, držanju i nošenju oružja i municije;
- j) drugi poslovi i zadaci policije koje Ministarstvu povjere Tužilaštva u BiH;
- k) poslovi izdavanja, poništavanja i zamjene ličnih karata i jedinstvenog matičnog broja građana i vođenja evidencija i poslovi izdavanja, poništavanja i zamjene putnih isprava;
- m) registracija motornih vozila;
- n) poslovi izdavanja i zamjene vozačkih dozvola;
- o) poslovi prijavljivanja, odjavljivanja i vođenja evidencije o prebivalištu i boravištu građana;
- p) ažuriranje i čuvanje duplikata matičnih knjiga i nadzor nad primjenom propisa u oblasti matičnih knjiga;
- r) promjena ličnog imena;
- s) poslovi koji se odnose na sticanje državljanstva Federacije i promjenu entitetskog državljanstva;
- š) poslovi inspekcijskog nadzora u oblasti zaštite od požara iz nadležnosti Ministarstva;

- t) poslovi koji se odnose na oblast proizvodnje, prometa i skladištenja eksplozivnih, zapaljivih i ostalih opasnih materija, koji su u nadležnosti Kantona;
- u) poslovi koji se odnose na rad agencija za zaštitu ljudi i imovine i unutrašnjih zaštitarskih službi i inspekcijски nadzor u navedenoj oblasti;
- v) inspekcijски nadzor u oblastima iz svoje nadležnosti;
- z) obavljanje drugih poslova i zadataka koje Federalno ministarstvo unutrašnjih poslova povjeri Ministarstvu iz svoje nadležnosti;
- ž) upravni i drugi poslovi i zadaci stavljeni u nadležnost Ministarstva u skladu sa ovim i drugim zakonim

Međutim, da bi se uspješno provodile Ustavne i Zakonske nadležnosti Federalne uprave policije i kantonalnih ministarstava unutrašnjih/unutarnjih poslova, agencije su obavezne da se pridržavaju člana 38. (međusobno obavještanje Uprave policije i kantonalnih ministarstava unutrašnjih/unutarnjih poslova), člana 65. i 66. (Odnos Federalnog ministarstva i Uprave policije sa kantonalnim ministarstvima) Zakona o unutrašnjim/unutarnjim poslovima Federacije Bosne i Hercegovine („Službene novine F BiH“, br.81/14).

U tom cilju Federalna uprava policije je u proteklom periodu kontinuirano vršila koordinaciju rada policijskih agencija u FBiH, kroz redovno održavanje sastanaka direktora Federalne uprave policije i komesara kantonalnih MUP-a. Na sastancima su razmatrana strateška, operativna i organizaciona pitanja zajedničkog rada u podizanju veće sigurnosti za sve građane Federacije Bosne i Hercegovine, razmatrane su mjesečne i tromjesečne Informacije o stanju sigurnosti na području FBiH, donošeni su zaključci po određenim bezbjedonosnim pitanjima i poduzimanju odgovarajućih mjera i radnji, a sve s ciljem poboljšanja stanja sigurnosti, sprječavanje, suzbijanje i otkrivanje kriminaliteta, unaprijeđenje sigurnosti saobraćaja, održavanje stanja javnog reda i mira.

Federalna uprava policije u saradnji sa kantonalnim ministarstvima unutrašnjih/unutarnjih poslova, će u narednom periodu nastaviti kontinuiranu saradnju i koordinirane aktivnosti sa agencijama za sprovođenje zakona u cilju stvaranja što povoljnije sigurnosne situacije i stanja na području Federacije Bosne i Hercegovine, te u tom smislu svoje aktivnosti će posebno usmjeriti na borbu protiv svih kriminalnih pojava, ugrožavanja bezbjednosti saobraćaja i narušavanja javnog reda i mira.

Informacija o stanju sigurnosti na području Federacije Bosne i Hercegovine sublimira kriminalitet, javni red i mir, sigurnost saobraćaja, napade na ovlaštena službena lica i druga krivična djela koja su se dogodila u periodu januar-juni 2016.godine, a što se može vidjeti kroz statističke pokazatelje kantonalnih ministarstava unutrašnjih/unutarnjih poslova F BiH i aktivnosti Federalne uprave policije – Federalnog ministarstva unutrašnjih/unutarnjih poslova

II STANJE SIGURNOSTI ZA PERIOD JANUAR - JUNI 2016. GODINE

Uprave policija u FBiH su provodile zakonom propisane zadaće na zaštiti života i osobne sigurnosti građana i njihove imovine, očuvanju javnog reda i mira, sigurnog odvijanja prometa, sprječavanje krivičnih djela, kao i uhićenja počinitelja krivičnih djela i njihovo procesuiranja.


S tim vezi stanje sigurnosti na području Federacije BiH u periodu Januar-Juni 2016. godine, u odnosu na isti periodu prethodne godine, promatrano kroz statističke pokazatelje karakteriše:

- Smanjenje broja izvršenih krivičnih djela za 684 ili 6,76 %
- Povećanje prekršaja iz oblasti JRM za 657 ili 8,03%
- Povećanje broja registrovanih saobraćajnih nesreća za 444 ili 3,34%
- Povećanje napada na OSL za 11 ili 42,31%.


	I POLUGODIŠTE 2015.	I POLUGODIŠTE 2016.	+/-	%
KRIMINALITET	10.120	9.436	-684	-6,76%
JAVNI RED I MIR	8.181	8.838	657	8,03%
SAOBRAĆAJNE NESREĆE	13.294	13.738	444	3,34%
NAPADI NA OVLAŠTENA SLUŽBENA LICA	26	37	11	42,31%

PREGLED STANJA SIGURNOSTI NA PODRUČJU F BiH (PO SEGMENTIMA SIGURNOSTI)

JANUAR-JUNI 2015. GODINE JANUAR-JUNI 2016. GODINE



STANJE SIGURNOSTI NA PODRUČJU FBiH (PO SEGMENTIMA)
JANUAR-JUNI 2016/15. GODINE



PREGLED STANJA SIGURNOSTI NA PODRUČJU FBiH POSMATRANO PO SEGMENTIMA ZA PERIOD JANUAR-JUNI 2016.GODINE

- ❖ **KRIMINALITET** – karakteriše smanjenje broja izvršenih krivičnih djela za 684 (6,76 %), u odnosu na uporedni period prošle godine.
 - Od ukupnog broja izvršenih krivičnih djela 9.436, od strane poznatih izvršilaca izvršeno je 3.905 (ili 41,38 %) krivičnih djela, dok je od strane nepoznatih izvršilaca počinjeno 5.531 (58,61 %) krivično djelo.
 - Dodatnim angažovanjem službenika policija naknadno su rasvijetljena su 2.552 (46,1 %) krivična djela, od ukupnog broja krivičnih djela prijavljenih po nepoznatom počiniocu, od čega 1.083 (19,6 %) djela iz ranijeg perioda.
 - Ukupna rasvijetljenost za izvještajni period daje ukupnu stopu otkrivenosti od 61,38 % te u odnosu na isti period 2015. godine, kada je ova stopa iznosila 60,44 %, došlo je do porasta otkrivenosti od 0,94 %.
- ❖ **JAVNI RED I MIR** – karakteriše povećanje broja registrovanih prekršaja iz oblasti javnog reda i mira za 8,03 %,
 - Od ukupnog broja prekršajnih sankcija 8.838 po Zakonu o prekršajima protiv javnog reda i mira odnosi se 8.236 ili 93,1% prekršaja, dok se 602 ili 6,9% odnosi na prekršaje utvrđene Odlukom općinskih vijeća .
 - Takođe evidentirano je povećanje broja izdatih prekršajnih naloga 14,9%, te smanjenje broja podnesnih zahtjeva za pokretanje prekršajnog postupka.
 - Za navedene prekršaje prijavljeno je ukupno 9.809 lica, od čega je 9.663 punoljetnih što je 98,5 % osoba, a maloljetnika 146 ili 1,5 %.
- ❖ **SAOBRAĆAJ** –karakteriše povećanje broja evidentiranih saobraćajnih nesreća za 3,34%.

U izvještajnom periodu od ukupnog broja saobraćajnih nesreća koje su se dogodile na području FBiH 13.738,

 - U naseljenom mjestu dogodilo se 12.131 saobraćajna nesreća što čini 88,3%,
 - te 1.607 van naselja što je 11,7% od ukupnog broja saobraćajnih nesreća.
 - Kada se govori o uzrocima saobraćajnih nesreća, neprilagođena brzina kao uzrok evidentiran je u 3.291 slučaja što čini 24 % od ukupnog broja saobraćajnih nesreća, dok je alkohol kao uzrok evidentiran u 508 slučajeva što čini 3,7%
- ❖ **AKTIVNOST POLICIJE** – karakteriše povećanje broja napada na ovlaštena službena lica za 42,31 %.
 - U izvještajnom periodu evidentirano je 37 napada na policijske službenike, od čega je 26 napada uz upotrebu fizičke snage što čini 70,2 %, te 5 ili 13,5% napada uz upotrebu oruđa i drugih predmeta i 2 ili 5,4 % napada uz upotrebu vatrenog oruža.
 - Od ukupnog broja pruženih asistencija 1.157 je po zahtjevu državnih organa pruženo je 493 ili 42,6%, te po zahtjevu organa i organizacija javnih ovlaštenja pruženo je 460 ili 39,7%, dok je po ostalim zahtjevima pruženo 204 ili 17,6% asistencija.
 - Policijski službenici su u okviru redovnih poslova i zadataka izvršili 22.868 redovna osiguranja, te 2.883 vanredna osiguranja, te u 4.231 slučaja su izvršili obezjeđenje javnih skupova.